

23 FEBRUARIE

RUGĂCIUNEA SF. CUVIOS POLICARP DE LA BRIANSK

Месяца февраля в 23-й день

Молитва Преподобнаго Поликарпа Брянскаго

О, пастырю добрый, наставниче неусыпный, преподобне отче Поликарпе! Ты, от мятежа мира сего изшед, отвержением благ преходящих евангельски Христу последовал еси и, равноангельное житие пожив, Безплотных почести сподобился еси. Сего ради, любовь твою к людем памятующе, яко чада ко отцу, к тебе прибегаем и со умилением молимся: о преподобне угодниче Божий, избави от всякаго навета вражия грады и веси земли нашея и не остави заступлением твоим нас, немощных, грехми и скорбьми многими обремененных. Умоли Христа Бога нашего даровати нам помыслов мир, от пагубных страстей и всякия скверны воздержание, братолюбие долготерпеливное, благочестие же нелицемерное, да не во зло обратим благая, нам свыше присно посылаемая. Молися, преблаженне, да озарится ум наш светом лица Божия, да укрепится благодатию

Господнею произволение наше, да, в законе Христове утвердившися, неленостно по пути заповедей святых потечем. Осени горним твоим благословением нас и всех, в скорбех сущих, болезнями душевными и телесными одержимых, исцеление, утешение и избавление тем даруя; над всеми же сими испроси нам свыше дух кротости и смиренномудрия, дух терпения и покаяния, да прочее время жития нашего в вере и сокрушении сердечнем проживем и тако в час скончания нашего благодарне восхвалим прославльшаго тя Господа, Безначальнаго Отца, Единороднаго Его Сына и Единосуцнаго Всеблагаго Духа, Троицу Нераздельную, во веки веков. **Аминь.**

[Текст службы утвержден на заседании Священного Синода 8 декабря 2020 года ([журнал № 99](#))]

